

鄭氏瘡科保赤金丹

餘姚翁校甫



南京中醫藥大學圖書館版權所有

鄭氏瘡科保赤金丹卷之三

咳嗽第五十

發熱蒸蒸咳嗽頻涕流鼻孔淚滿睛面浮眼腫雙腮赤此是天行瘡毒侵

發熱蒸蒸咳嗽頻目腫面浮氣上行坐臥不安痰唾

少肺葉焦舉熱邪蒸

瘡症百聲咳不歇初熱未出正相宜不咳少咳皆不

順啟咳須要用陳皮

正收收盡宜無咳此時有咳須早醫清金瀉肺為先

務及待危時悔是遲



瘡毒連絲上氣咳發作百聲終不歇胸高肩聳軔長  
流擺手搖頭泉下客

天行瘡症與傷寒相似惟瘡則噴嚏鼻流清涕眼  
胞腫目淚汪汪之爲異耳但見此等症候真是瘡  
症夫瘡原發於心心火內亢則肺金受剋以致肺  
葉焦舉故有咳嗽法當清金瀉火以加味人參白  
虎湯見二十  
九條去人參甘草糯米加牛蒡子連翹主  
之有用白虎湯見二十  
六條去甘草糯米加牛蒡子薄  
荷葉治之者或以三味消毒散合瀉白散二方俱  
去甘草治之方中桑白皮取採鮮者多用爲妙熱

甚煩渴者加知母天花粉石糕黃芩之類如咳甚者以二母散或麥門冬湯除去升麻赤芍甘草或清肺湯去桔梗甘草加蘇子或秘本清肺湯去桔梗甘草或聶氏清肺飲去柴胡陳皮桔梗甘草等方隨症而用之然確宜清熱透毒不可止咳故古人多用清揚飲子去甘草加連翹主之慎勿用五味子及收斂等藥秘塞肺竅令咳嗽終身不已只宜清餘熱消痰壅而咳自止貝母麥冬飲除甘草桔梗加連翹牛蒡子黃芩黃連之類前後咳嗽俱可施用夫瘖有咳則肺氣疏通毛竅開豁而瘖則


易於出透所以瘡症初熱未出之先最喜咳嗽多  
咳則爲順候俚言所謂撲瘡是也瘡疹出透則心  
經火息肺無剋伐而咳自止正出之際若無連聲  
咳嗽及少咳與不咳者則腠理閉密瘡難透表急  
於升發藥中多加陳皮以啟其咳使毛竅開洩腠  
理舒暢而瘡自易出透矣已出之後及將收後則  
又以無咳爲佳如瘡已出而咳不止身熱作渴煩  
燥不食脈洪者以古方黃連解毒湯見三十加生  
地黃鮮骨皮治之肺熱如咳喘者用生地黃散去  
陳皮加黃芩葶藶桑白皮治之喘甚者加括萸霜

北芥子蘇子萊菔子治之出盡及收後微微咳嗽者此餘邪未盡肺氣未平也不須服藥若欲治之則以瀉白散合三味消毒散俱去甘草與服如肺燥塞不利而咳者以利金湯去陳皮桔梗甘草生姜加麥冬牛蒡子黃芩桑白皮治之瘖盡透而壯熱咳嗽大便閉者以除熱清肺湯去赤芍甘草加黃連黃芩地骨皮火麻仁枳殼以清理之或加大黃下之如出盡及收後咳嗽甚而仍不止者是屬於熱治宜清熱降火佐以消痰之品以清咽滋肺湯去玉竹桔梗甘草加黃連苦黃芩或聶氏清肺



飲去陳皮柴胡桔梗甘草加貝母黃連主之出盡  
收後咳嗽不止而多痰者以清咽止肺湯去玉竹  
麥冬桔梗甘草加枳殼茯苓陳皮治之或聶氏清  
肺飲去柴胡桔梗麥冬加枳殼治之若瘖至五六  
日而仍咳嗽氣粗外熱不退乃尚有餘毒流於肺  
胃宜用孟介石清肺飲除殭蚕柴胡陳皮桔梗甘  
草加地骨皮桑白皮葶歷治之或以靜遠主人清  
肺飲去桔梗甘草加石糕黃芩治之如瘖後咳嗽  
聲音不清不思飲食眼目不清唇口乾燥者以清  
肺消毒化痰湯去桔梗甘草治之若瘖後氣喘咳


嗽連聲不住者此乃毒流於肺經肺中伏火金虛  
葉焦故咳嗽連聲不住也以秘本門冬清肺湯或  
用骨皮清膈散俱去桔梗甘草糯米治之如體熱  
者亦以秘本門冬清肺湯去甘草桔梗糯米加黃  
連黃芩牛蒡子治之咳嗽甚而氣喘連聲不住甚  
至飲食噎水者此熱毒乘肺而然也亦以秘本門  
冬清肺湯去甘草桔梗糯米加蜜炙枇杷葉治之  
見血者再加茅根阿膠治之如咳嗽有吐血者以  
麥冬清肺湯去查肉桔梗加生地黃主之兼有噎  
水者亦以此方除查肉桔梗治之如瘡後咳嗽氣





急者以枳殼前胡湯除甘草桔梗以蘇子易蘇梗  
加芥子萊菔子葶歷括蕪霜以治之然亦有加沉  
香者在瘡後似亦無害如瘡後但氣粗者以聶氏  
清肺飲仍除柴胡桔梗甘草加芥子蘇子萊菔子  
葶歷治之如瘡後咳嗽不止內熱不清心神不甯  
夜臥不安以天真膏除黃芪白朮薏苡仁加酒炒  
黃連酒炒黃芩辰砂主之如瘡後咳嗽失聲發熱  
者以葶歷丸加地骨皮天花粉酒炒黃連黃芩水  
煎與服瘡後咳嗽腹脹喘急煩燥泄瀉聲啞唇青  
口青者以賈蘭峯傳方除麻黃陳皮桔梗甘草白

芍加麥冬骨皮芥子治之或不除白芍更加柴胡  
亦可此在瘡後活法變通在乎其人然切不宜遽  
用白朮等味如瘡後久咳不止以生地黃當歸身  
白茯苓川貝母桑白皮杏仁柿霜等味以養血涼  
血清金而咳自止然竟有以四物湯見二十  
五条合枳  
殼二陳湯加括篋霜杏仁治之者雖曰無礙反不  
若以前之七味治藥簡而功捷也如兼渴者加麥  
冬枳殼兼喘者加蘇子芥子治之或更加葶歷萊  
菔子亦可其有感觸風寒咳嗽煩悶嘔逆清水眼  
赤咽痛口舌生瘡者以防風敗毒散見第  
五条加生黃



芩治之如咳嗽氣喘唇焦熱結在內煩燥不甯或  
口鼻出血不拘前後並宜以犀角解毒化痰湯去  
赤芍甘草加麥冬杏仁葶歷治之或用聶氏清肺  
飲去陳皮柴胡淡竹葉甘草桔梗加黃連當歸尾  
治之收後如見此候以加味人參白虎湯見二十九條  
去人參甘草糯米加生地黃地骨皮黃芩以滋潤  
之倘或久咳不止面浮目腫胸高如龜肩聳氣喘  
搖手擺頭口鼻出血面色或青或赤或白而枯鼻  
燥昏悶者皆不治之症也

三味消毒散

治咽喉疼痛及痘疹已出未出與未

出勻又治一切瘡毒並能涼膈消痰 牛蒡子研炒

二荆芥穗二錢五分 甘草五錢 研末每用三錢水煎服

瀉白散 治喘嗽並脾肺經有熱目黃口不吮乳

桑白皮 地骨皮 炙甘草五分 糯米一百粒 引水煎

食後服 加人參白茯苓知母黃芩名加減瀉白

散治肺炎喘嗽

二母散 治瘡後咳嗽甚及肺熱咳熱 知母 貝

母去心童便洗 生薑一片引水煎服或為末白水下一

錢

麥門冬湯 即二十八條內葛根麥門冬散去人參淡竹葉 麥冬去心 葛根



生石糕

茯苓

赤芍藥

酒炒六分

升麻

四分

炙甘草

四分

水煎服

清肺湯

治瘡後咳甚

枯黃芩

貝母

桔梗

七錢

分

防風

炙甘草

各四分

水煎服

秘本清肺湯

治不時咳嗽寒熱唾紅

黃芩

當

歸麥冬

防風

赤茯苓

生地黃

連翹

蘇葉

前胡

桔梗

甘草

各五分

桑白皮

一錢

水煎

服

聶氏清肺飲

治瘡後氣粗咳嗽

桑白皮

地骨

皮

麥冬

天花粉

元參

柴胡

桔梗

黃



芩酒炒 川木通 熟石糕 生地黄 陳皮 生甘

草 淡竹葉 燈芯引水煎加羚羊角磨汁對服

清揚飲子 痘疹主方 西河柳 麥冬 元參 各

錢 牛蒡子炒 葛根各一錢 知母蜜炒 蟬蛻肚 土先 薑

荷葉 荆芥穗 甘草 淡竹葉三十片 水煎服

只母麥冬飲 貝母 麥冬 薄荷葉 元參 括

萸仁 桔梗 甘草 水煎服

生地黄散 治瘡肺熱喘咳斑疹身熱口乾心煩

生地黄 杏仁 麥冬 款冬花 陳皮 水煎

服準繩有甘草一書並有桔梗



利金湯 治肺燥塞不利而咳 貝母 茯苓 陳

皮 枳殼 桔梗 甘草 生姜白蜜引

除熱清肺湯 治瘡盡透而壯熱咳嗽大便閉結

石糕 麥冬 元參 生地黄 貝母 括篋根

赤芍藥 甘草 五分 水煎溫服

清咽滋肺湯 治瘡後餘熱咳嗽聲瘖 元參 牛

勞子 荆芥 貝母 麥冬 括篋根 馬兜鈴

明玉竹 桔梗 甘草 水煎服此方繆仲醇

有薄荷無馬兜鈴

孟介石清肺飲 熟石糕 生地黄 麥冬 淡竹



葉 陳皮 元參 柴胡 當歸尾 黃芩 知

母 桔梗 殭蚕 甘草 燈芯五十寸引

靜遠主人清肺飲 治瘡後傳肺胃二經咳嗽喘急

麥冬 牛蒡子 防風 茯苓 桑白皮

皮 知母 桔梗 甘草 水煎服

清肺消毒化痰湯 牛蒡子 荆芥穗 防風 貝

母 連翹 黃芩 前胡 茯苓 枳殼 桔梗

甘草 水煎作十餘次徐徐服

秘本門冬清肺湯 天冬 麥冬 知母 貝母

杏仁 石糕 地骨皮 牛蒡子 款冬花 桑





白皮 馬兜鈴 桔梗 甘草 糯米引水煎服

骨皮清膈散 黃芩 石糕 滑石 地骨皮

歸 知母 桑白皮 紫苑茸 白茯苓

甘草 薑三片引水煎服此方加人參柴胡

白木黃芪名人參清膈散治肺熱鼻乾涕唾稠粘

麥冬清肺湯 麥冬 知母 貝母 黃芩 杏仁

天花粉 枳殼 陳皮 丹皮 查肉 桔梗

水煎服

枳殼前胡湯 枳殼 前胡 防風 赤茯苓 蘇

梗 桔梗 甘草 水煎服氣急者以沉香磨水

